



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno 859. Usque Ad Annum 887

Fleury, Claude

August. Vind. [u.a.], 1760

VD18 90117875

§. 8. Concilium Tusiacense.

[urn:nbn:de:hbz:466:1-66112](https://nbn-resolving.org/urn:nbn:de:hbz:466:1-66112)

& Ebbonis Episcopi Gratianopolitani animos sibi adeo devinxit, ut Lupum Abbatem rogaverint, ne ægre ferret, si Ado nunquam rediret Ferrariam. Concessit ei Lupus obedientiæ Benedictionem, id est, epistolam regularem, qua petitam licentiam tribuebat, similemque epistolam ab Archiepiscopo Senonensi Venilone obtinuit. Itaque impetrato Præpositorum suorum consensu liber Lugduni mansit, ubi Remigius ei in Ecclesia S. Romani habitaculum constituit. Ecce vero, Agilmaro Archiepiscopo Viennensi vita functo Ado eodem anno 860. ejusdem Successor eligitur. Non defuere, qui obsisterent, dicentes, minime decere, ut Monachus Gyrovagus tanta Dignitate ornaretur. Cumque Gerardus Comes & Berta ejus uxor litteras ad Lupum Ferrariensem dedissent, ille Discipulum suum ab omni labe immunem, & virum Episcopatu omnino dignum esse rescripsit. Ergo Archiepiscopus Viennensis annos natus circiter sexaginta ordinatus, eodem anno Concilio Tusiacensi interfuit.

Sæculum IX.
A. C. 860.

Lup. ep. 122.

§. VIII.

Concilium Tusiacense.

Concilio Tusiacensi * initium datum * est Tullense
est vigesima secunda Octobris, in secundum,
quo Canones quinque contra rapinas,
per-

Sæculum IX. perjuriam aliaque crimina, quæ tunc Fran-
 A.C. 860. ciam inundabant, conditi. Velatæ Vir-

6. 2.

gines occulte lapsæ, vel quæ publice nupserint, & Viduæ incontinentes, quæ luxuriando turpissime in domibus suis vivunt, ita ut etiam quædam filias suas lascivis juvenibus prostituunt, usque ad finem vitæ in ergastulis retrusæ pœnitentiam agant. Viri autem, qui vim eis intulerint, & ipsi censura Ecclesiastica ad pœnitentiam constringantur. Principes autem & Judices ab Episcopis rogati eos sua auctoritate adjuvent. Episcopi da-

6. 4.

tis invicem litteris de Excommunicatis certiores se faciant, ut omnes sciant, cum eis non esse communicandum. In Arti-

6. 5.

culo quinto dicunt Episcopi: *Quia plurima loca Deo Sacra & Monasteria a crudeli gente Normannorum incensa & vastata sunt, atque hac occasione multi lascivi Clerici & Monachi relicto Religionis habitu vagabundi circum feruntur, volumus, ut ad Disciplinam Episcoporum & Abbatum suorum revertantur.*

p. 707.

Præter Canones promulgata est epistola Synodica ab Hincmaro composita & ad omnes Fideles directæ, in qua Bonorum Deo Sacrorum naturam edocentur; atque ab eorum injusta usurpatione, quod vitium tunc erat frequentissimum, & ab omni rapina, abstinere monentur.

§. IX.